

## 2au Concors de fotografia “Eth mèn repopet” en motiu deth 17au aniversari dera Biblioteca Generau de Vielha

Se vos agrade era fotografia, ja podetz participar en 2au concors de fotografia “Eth mèn repopet”, ath torn deth leitatge maternau, es jòcs, es minjars, eth dromir... des vòsti repopets, qu’organizen er Ajuntament de Vielha e Mijaran, er airau de Pediatria der Espitau Val d’Aran e era Biblioteca Generau de Vielha en motiu deth sòn dètz-e-setau aniversari.

Entà participar-i, cau que hèsques ua fòto sus eth tèma deth concors e mo l’envies tà [biblioteca@vielha-mijaran.org](mailto:biblioteca@vielha-mijaran.org).

Eth dia 19 de noveme ei eth darrèr dia entà enviar es vòstes fòtos.

Eth/era guanhador/a aurà coma prèmi dues entrades entath concèrt de Gospel, organizat per Ajuntament, eth dia 7 de deseme e dues entrades entàs tara programacion annau culturau familiar der Ajuntament de Vielha e Mijaran.

Bases:

### 1. Condicions entà poder-i participar:

Eth concors ei dubèrt a totes es persones majors de 16 ans.

Peth hèt de participar-i, es autors/es se comprometen a ceder es drets d’imatge des fòtos ar Ajuntament de Vielha e Mijaran entara sua difusion tara exposicion sus eth leitatge maternau que se poirà veir ena biblioteca. Es participants tanben accèpten qu’es sues òbres siguen exposades ena Biblioteca Generau de Vielha. Era participacion en aquest concors implique era acceptacion d’aguestes bases.

### 2. Coma i podetz participar:

Podetz presentar sonque ua fòto per participant/a.

### 3. Tèma:

Eth tèma deth concors qu’ei eth mon deth repopet. Cau qu’era fòto que presentetz sigue originau e inedita e non age estat premiada en cap d’aute concors.

### 4. Caracteristiques:

Es fòtos pòden èster en blanc e nere o en color.

Es fòtos an d’auer ua resolucion minimau de 2 MB e maximau de 3 MB, e les cau enviar entath compde de corrèu dera Biblioteca Generau de Vielha: [biblioteca@vielha-mijaran.org](mailto:biblioteca@vielha-mijaran.org), damb un títol, es vòsti nòm e cognòm e un telefòn de contacte.

### 5. Categories:

I aurà un prèmi tara milhor fotografia e, s’era jurada ac considèrè oportun, quauque accessit.

### 6. Era jurada:



Era jurada serà composada peth personau der Ajuntament de Vielha e Mijaran, era Bibliotèca Generau e er airau de Pediatria der Espitau Val d'Aran, era sua decision serà inapellabla e pòt declarar eth concurs desèrt. Eth liurament des prèmis se harà eth dia 23 de noveme, ath laguens des actes de celebracion deth 17au aniversari dera Bibliotèca Generau de Vielha.